

Böker

Du seggst, ik schall veel lesen?
Du meenst, dat maakt mi klook?
Laat mi! Höör op to quesen!
Ut mien Kopp küselt Rook.

Bläder, Bläder, Bläder
un so veel Blabla!
Heff ik Glück, giff t`t Biller,
denn schrieg ik „Hurra“!

Ik nehm een in de Hannen
un bläder einfach rüm.
Dor bleibt mien Ogen hangen.
Dat Book is ok recht dünn.

Denn steiht dor doch wat binnen,
wat bannig spannend is.
Nu lees ik as vun Sinnen!
Ik mag mien Bökerkist!

